



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CC. Bischof Busso bestätigt den Kaland zu Pritzwalk unter Erneuerung des Ablasses, am 29. Juli 1535.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

CC. Bischof Bussio bestätigt den Kalend zu Pritzwalk unter Erneuerung des Ablasses,
am 29. Juli 1535.

Bussio, Dei et apostolice sedis Gratia Episcopus Havelbergensis, ad futuram Rei memoriam. Cum itaque boni Pastoris officium exposcit, quod non solum oves tondat, verum etiam pascat et a luporum incurribus tueatur et defendat, Nec non de erronea via ad ovile Ecclesie reducat et quatenus necesse fuit, animam suam pro ipsis ponat; Hinc decet Episcopos et Prelatos, ut mature provideant, quatenus populum sibi creditum ad eternae vitae premia promerenda invitent promissa. Devoti nostri dilecti in Christo devoti Decanus, Camerarii et fratres Kalendarum opidi Pritzwalk nostre Havelbergensis dioecesis provide secum revolventes fraternitatem eorum cum nonnullis et variis eorum statutis et ordinationibus per eorum predecessores pro laude Dei et animarum salute erectam et inventam ac per nostros predecessores episcopos Havelbergensis felicis recordationis a tempore prime foundationis admissam, approbatam et confirmatam esse considerantes, Nobis tam humiliter quam devote supplicari fecerunt, quatenus et nos eandem cum suis statutis, ordinationibus et honestis consuetudinibus admittere, approbare, ratificare et autoritate nostra ordinaria generosis literis nostris perpetuare et confirmare dignaremur. Nos itaque Bussio, Episcopus Havelbergensis antedictus, premeditantes, regium Prophetam cecinisse: O quam bonum et quam jocundum habitare fratres in unum, nec non commodum et salutiferum existimantes, quod Christi fideles in variis locis commorantes unanimi consensu conveniant et confluant ac salvatorem nostrum laudent, precesque devotas ad eum effundant et sic alius pro alio orare censeantur, prout in fraternitatibus ipsis assolet et consuevit, Ideoque supplicationem premissam tanquam justam et rationabilem ac cultui divino et animarum saluti proficuum exaudivimus, fraternitatem Kalendarum prememoratam una cum omnibus et singulis suis statutis, laudabilibus consuetudinibus et ordinationibus rite et legitime factis, dummodo tamen sacris canonibus provincialibus vel synodalibus statutis et juris dictioni nostre Episcopali et prelatorum nostrorum adversa non fecerint, in et per civitatem et dioecsin nostram admittendam, approbandam, ratificandam et confirmandam duximus ac admittimus, approbamus, ratificamus, auctorifamus et Dei nomine in his scriptis autoritate nostra ordinaria confirmamus. Redditus denique et proventus perpetuos vel reemptionis titulo pro oneribus dicte fraternitatis supportandis emptos et comparatos acceptamus, Juribus, privilegiis, immunitatibus et libertatibus ecclesiasticis insignimus, munimus et decoramus, ipsos fraternitati pretacte pro suis oneribus supportandis unimus, invisceramus, appropriamus et incorporamus, decernentes ipsos ecclesiasticos juri et foro ecclesiastico instar aliorum Deodicatorum bonorum gaudere et subiacere, invalores et distractores eorundem Sacrilegos esse ac censura ecclesiastica cogendos et compellendos, annuentes, ut si quid controversiae aut questionis inter ipsum Decanum et confratres ex factis seu negotiis ipsorum ortum fuit, id coram decano et fratribus predictis in amicitia decidatur nec propterea ad nos nostrumque officialem recurri debere, nisi idem emendandus incorrigibilis juxta eorum statuta existat, indulgendo etiam eisdem, vt dictus decanus et camerarii pro tempore existentes potestatem habeant eorum redditus et proventus a quibuscunque debitoribus emonendi, volentes et mandantes, quatenus iidem Decanus et fratres in recipiendis et admittendis fratribus quantum ad predecessores solitum numerum absque rationabili causa non excedant. Ut autem utriusque sexus Christi fideles ad pia opera exercenda facilius alliciantur, dum se sentiant spiritualibus prerogativis munitos, Ideoque ut fratres fraternitatis predictae annis singulis juxta eorum constitutiones vigilas

et missarum solemnia pro vivis et defunctis cum solennitate peragere, et in ecclesia parochiali opidi Pritzwalck antedicti apertis Januis et populo presente excommunicatis et interdictis et ex his, qui causam vel occasionem interdicto dederunt, exclusis, nullo interdicto per nos, prelatos nobis subiectos aut officiales eorum lato aut fulminato obstante celebrare possint et valeant, generose indulgemus. Omnibus denique utriusque seculi Christi fidelibus, confessis et contritis, qui pro meliorationibus, manutentionibus et conservationibus hujus fraternitatis donando vel legando manus porrexerint adjutrices, vel id procuraverint, aut parentationibus sive memoriis generalibus aut specialibus, que pro salute fratrum celebrantur, interfuerint, et pro sollicito statu vniuersalis ecclesie aut fratrum et benefactorum salute tria pater noster cum tot salutationibus angelicis et uno symbolo devote oraverint, toties quoties id fecerint, de omnipotentis Dei misericordia et beatorum Apostolorum ejus Petri et Pauli autoritate confisi, quadraginta dies indulgentiarum de injunctis eis penitentiis misericorditer in Domino relaxamus. Nulli ergo omnino hominum liceat, hanc paginam nostre admissionis, approbationis, ratificationis, confirmationis atque indultorum infringere, aut ei ausu temerario quovismodo contravenire. Si quis autem hoc attemptare presumerit, Indignationem omnipotentis Dei et beatorum apostolorum ejus Petri et Pauli ac Patronorum nostrorum se noverit incursum. In quorum omnium et singulorum fidem et testimonium sigillum camere nostre causarum presentibus est appensum. Data et acta in arce nostra Episcopali opidi Wistock, anno Domini MD tricesimo quinto, die Jovis, vigesima nona Mensis July, Presentibus ibidem venerabili et nobilibus viris Domino et Magistro Petro Conradi, Cancellario et officiali nostro Havelbergensi, Levino et Hartwigo, fratribus de Bartow, Petro Rosenberg, Capitaneo, et Thoma Dabertzin, Camerario nostris, testibus ad premissa vocatis atque rogatis.

Vom Freiherrn von Ledebur mitgetheilt.

CCI. Kurfürst Joachim versichert das Kapitel zu Havelberg der Freiheit von Ausrichtungen bei der Annahme der Guldigung, am 5. Januar 1537.

Joachim, von gotts gnaden Marggraff zw Brandenburgk vnd Churfürste etc., Hertzogk etc. Vnfern grus zuuor. Lieben getrewen. Es boclagen sich gein vns das Capittel bey ewch, wie Ir sie von wegen der betzalung der ausrichtung halben des halben teyls, do Wyr die erbhuldung bey ewch nach alter gewonheyt genomen haben, ansprechen thutt. Dieweyl sich dan nicht geburen will, das das Capittel einiche ausrichtung zu thund pflichtig sein soll, Sunder gburtt euch vnd allen anderen vnseren stetten, solche bezalung nach alter hergbrachter gewonheitt zu thund vnd zu entrichten, Ir wollet gemeltem Capittel sollich gelt, so vil sie ausgegeben haben, widdervmb zw handt stellen vnd btzalen, sollichs verlassen wyr vns gantzlich von euch zu gescheend, In gnaden zw erkennen. Datum Coln ahn der Sprew, Dinftagk nach dem Newen Jars tage, anno XXXVII^o.

An den Rath zw havelberge.

Aus der Domecapitels-Registratur zu Perleberg.